

Tužilaštvo USK, OPTUŽNICA - 07.05.2007.

Ovo Tužilaštvo podiglo je dana 07.05.2007. godine optužnicu Kantonalnom sudu Bihać koja je potvrđena dana 10.05.2007. godine, protiv:

KECMAN ŽELJKA sin Vojka i majke Danice rođena Čeko, rođen 20.06.1962.godine u Dravskom, općina Bos.Petrovac, prebiva u Banja Luci ul."Kuljani bb", JMBG 2006962111942, po nacionalnosti Srbin, državljanin BiH, po zanimanju vojno lice, oženjen, otac dvoje mlđb.djece, pismen sa završenom srednjom školom, bivšu JNA služio 1981/82 u Vranju, posjeduje rezervni vojni čin starijeg vodnika I klase, vodi se u vojnoj evidenciji kod Općinskog odjela odbrane u Banja Luci, nije odlikovan, srednjeg imovnog stanja, do sada nije osuđivan, protiv istog se ne vodi drugi krivični postupak, nalazi se na slobodi.

DA JE

U drugoj polovini juna 1992.godine, tokom rata u Bosni i Hercegovini, u okviru širokog i sistematičnog napada vojske Republike Srpske usmjerenog protiv bošnjačkog civilnog stanovništva u općini Sanski Most kao pripadnik „6 Sanske brigade“, suprotno odredbi iz člana 3. stav 1. tačka a. Ženevske konvencije o zaštiti građanskih lica za vrijeme rata od 12. avgusta 1949. godine, nakon što su pripadnici te jedinice zarobili civile - mještane sela Hrustova, općina Sanski Most, Merdanović Hasana, Merdanović Ekrema i Keranović Hilmu i nakon što su ih doveli na brdo Grabež iznad tog sela, bez ikakvog povoda otpočeo njihovo maltretiranje tukući ih nogama i rukama a potom odvođeći jednog po jednog, malo dalje, od mjesta njihovog maltretiranja, iz pištolja cal.7.62 mm (tetejac) ispalio više metaka u trojicu zarobljenih civila koji su uslijed zadobijenih povreda u predjelu glave, na licu mjesta opisanog događaja, umrli.

Dakle, za vrijeme rata u Bosni i Hercegovini, kršeći pravila međunarodnog prava izvršio ubistva zatočenih civila.

Čime je počinio krivično djelo -- ratni zločin protiv civilnog stanovništva iz člana 142. preuzetog KZ-a SFRJ.